

PUBLICACIÓN DAS LISTAXES DE MATRICULADOS

O día 22 de febreiro publicárase na CiUG e nos LERD a *listaxe provisional de matriculados* para as probas. O *prazo de presentación de reclamacións* á devandita listaxe será *do 23 ao 26 de febreiro* (lugar: LERD).

O día 1 de marzo publicárase na CiUG e nos LERD a *listaxe definitiva de matriculados* para as probas.

EXENCIÓN DO EXAME DE LINGUA GALEGA

Os candidatos/as que non nacesen en Galicia, así como aqueles/as que non cursasen os seus estudos de bacharelato en Galicia, poderán solicitar, no momento de se matricular, a exención do exercicio de Lingua Galega.

A Comisión Interuniversitaria de Galicia (CiUG) comunicará aos candidatos/as, por correo ordinario con aviso de recibo, a concesión ou non da exención do exercicio de Lingua Galega.

CÁLCULO DA CUALIFICACIÓN DA PROBA

A *cualificación de cada un dos exercicios* exprésase de 0 a 10 puntos con intervalos de 0,25 puntos.

A *cualificación da Fase Xeral* será a *media aritmética dos catro exercicios* que a compoñen, expresada con tres cifras decimais arredondeada á milésima máis próxima e en caso de equidistancia á superior.

A *cualificación da Fase Específica* será a *media aritmética dos tres exercicios* que a compoñen, expresada con tres cifras decimais arredondeada á milésima máis próxima e en caso de equidistancia á superior.

A *cualificación final da Proba* será a *media aritmética das cualificacións obtidas na Fase Xeral e na Fase Específica*. Entenderase que o/a candidato/a superará a proba cando obteña un *mínimo de cinco puntos na cualificación final*, non podéndose, en ningún caso, acadar media cando non se obteña unha *puntuación mínima de catro puntos tanto na Fase Xeral como na Fase Específica*.

PUBLICACIÓN DAS CUALIFICACIÓNS PROVISIONAIS

As *cualificacións provisionais da Fase Xeral* serán publicadas *mércores día 10 de marzo* (a partir das 15,00 horas).

As *cualificacións provisionais da Fase Específica* serán publicadas *o xoves día 18 de marzo* (a partir das 15,00 horas).

As *cualificacións* poderán consultarse na CiUG, nos LERD, na páxina web da CiUG e, para aqueles alumnos/as que o solicitasen no momento da matrícula, mediante unha mensaxe de móbil ou por correo electrónico.

PRAZO DE RECLAMACIÓN ÁS CUALIFICACIÓNS

O *prazo de presentación de reclamacións* abranguerá *dende o luns día 22 ata as 13,00 horas do mércores día 24 de marzo*.

As solicitudes de reclamación ás cualificacións poderán presentarse nos LERD cubrindo o impreso de reclamación que se facilitará a tal efecto.

Tamén poderán realizarse a través da aplicación informática Nerta. Para isto o alumnado deberá empregar o *número de acceso á aplicación informática Nerta* que figura no impreso de matrícula.

PUBLICACIÓN DAS CUALIFICACIÓNS DEFINITIVAS

As *cualificacións definitivas da Proba* serán publicadas *o xoves día 25 de marzo* (a partir das 15,00 horas).

As cualificacións poderán consultarse na CiUG, nos LERD, na páxina web da CiUG e, para aqueles alumnos/as que o solicitasen no momento da matrícula, mediante unha mensaxe de móbil ou por correo electrónico.

INFORMACIÓN

Pódese solicitar calquera información sobre esta proba aos LERD (Lugares de Entrega e Recollida de Documentación), aos Servizos de Información das tres universidades e á CiUG (Facultade de Dereito, 3º piso. Campus Universitario Sur. CP 15782 – Santiago de Compostela). * Tfno.: 981 52 80 80 * Fax: 981 52 80 81

Os programas das materias, orientacións e modelos de exame pódense consultar na páxina web da CiUG: <http://ciug.cesga.es>

EFECTOS DE SUPERACIÓN DA PROBA

Os candidatos/as *poderán realizar a Proba de Acceso* para Maiores de 25 Anos *na universidade da súa elección*, sempre que existan nesta os estudos que desexen cursar, *correspondéndolles con carácter preferente, a efectos de ingreso, a universidade na que superasen a proba*.

Os *accesos preferentes, a efectos de ingreso, a aquelas ensinanzas universitarias oficiais de Grao do SUG ofertadas polas universidades que estean vinculadas a cada unha opcións* pódense consultar na páxina web da CiUG, no apartado "*Vinculación das titulacións do SUG para o acceso ao curso 2010-2011 coas opcións das probas de acceso á universidade dos maiores de 25 anos NOVO*".

Para o *acceso a Estudos Universitarios de Grao do SUG con límite de prazas*, o alumnado que supere a proba de acceso deberá *presentar a súa solicitude de admisión no prazo do 7 de xuño ao 2 de xullo*, en calquera dos LERD existentes empregando o impreso correspondente ou a través da aplicación informática Nerta para o que será necesario o *número de acceso á aplicación informática Nerta* que figura no impreso de matrícula de cada alumno/a.

Para presentaren a solicitude de admisión cómpre estaren en posesión da *certificación académica oficial de teren superadas as probas*, que será expedida na CiUG e remitida por correo certificado con aviso de recibo ao domicilio dos alumnos/as a partir do 26 de marzo.

Para os/as estudantes maiores de 25 anos que superen a Proba de Acceso, en virtude do disposto no Real Decreto 1892/2008, do 14 de novembro (BOE do 24), reservarase nos estudos universitarios de Grao do SUG o *2 por 100 das prazas totais de cada titulación*.

Para o *acceso a Estudos Universitarios de Grao sen límite de prazas*, o alumnado que supere a proba de acceso poderá *matricularse no prazo establecido a tal efecto polas universidades* sen necesidade de presentar solicitude de admisión (consultar as datas nas respectivas universidades).

A C C E S O
UNIVERSIDADE
MAIORES DE
25
A N O S

C U R S O
2009-2010

CiUG

COMISIÓN INTERUNIVERSITARIA DE GALICIA



ALUMNADO QUE PODE PRESENTARSE Á PROBA

O alumnado que reúna os requisitos exixidos polo Real Decreto 1892/2008, do 14 de novembro, poderá acceder a ensinanzas universitarias oficiais de Grao mediante a superación desta proba de acceso. Soamente poderán concorrer á devandita proba, **as persoas que cumpran os 25 anos de idade antes do día 1 de outubro do ano natural no que se celebre a proba.**

ESTRUTURA DA PROBA

A Proba de Acceso á Universidade estruturarase en dúas fases: Xeral e Específica.

Fase Xeral da Proba

A Fase Xeral terá como obxectivo apreciar a madurez e idoneidade dos candidatos/as para seguiren con éxito estudos universitarios, así como a súa capacidade de razoamento e de expresión escrita.

Comprenderá catro exercicios:

- 1º Exercicio** Comentario dun texto ou desenvolvemento dun Tema Xeral de Actualidade.
- 2º Exercicio** Lingua Castelá.
- 3º Exercicio** Lingua Galega.
- 4º Exercicio** Lingua estranxeira a elixir entre: Alemán, Francés, Inglés, Italiano ou Portugués.

Fase Específica da Proba

A Fase Específica terá por finalidade valorar as habilidades, capacidades e aptitudes dos candidatos/as para cursaren con éxito as diferentes ensinanzas universitarias vinculadas a cada unha das ramas do coñecemento en torno ás que se organizan os estudos universitarios oficiais de Grao.

A Fase Específica estruturarase nas **cinco opcións** seguintes vinculadas coas cinco ramas do coñecemento:

OPCIÓN A: Artes e Humanidades.

OPCIÓN B: Ciencias.

OPCIÓN C: Ciencias da Saúde.

OPCIÓN D: Ciencias Sociais e Xurídicas.

OPCIÓN E: Enxeñaría e Arquitectura.

A Fase Específica constará de **dúas materias obrigatorias para cada opción e unha materia optativa** para escoller polo alumnado no momento de matricularse entre as materias que se ofertan para cada opción.

Opcións	Obrigatorias	Optativas
A Artes e Humanidades	Historia da Arte Xeografía	Debuxo Artístico Latín Literatura Universal Volume
B Ciencias	Matemáticas Química	Bioloxía Ciencias da Terra e Ambientais Física
C Ciencias da Saúde	Bioloxía Química	Ciencias da Terra e Ambientais Física Matemáticas

D Ciencias Sociais e Xurídicas	Historia do Mundo Contemporáneo Matemáticas Aplicadas ás CC. Sociais	Economía da Empresa Literatura Universal Xeografía
E Enxeñaría e Arquitectura	Física Matemáticas	Ciencias da Terra e Ambientais Debuxo Técnico Química

Os candidatos/as deberán realizar a Fase Específica na opción da súa elección, **correspondéndolles preferentemente, a efectos de ingreso**, aquelas ensinanzas universitarias oficiais de Grao ofertadas polas universidades que estean vinculadas a cada unha das opcións.

Para a realización dos exercicios, os candidatos/as poderán empregar, á súa elección, calquera das linguas oficiais da Comunidade Autónoma. Os exercicios correspondentes a Lingua Castelá, Lingua Galega e Lingua Estranxeira deberán desenvolverse nos seus respectivos idiomas.

Na solicitude de matrícula, os candidatos/as deberán sinalar a lingua estranxeira elixida para a Fase Xeral, así como a opción e a materia optativa elixida para completar a Fase Específica.

CONVOCATORIA DA PROBA

O Sistema Universitario de Galicia realizará anualmente unha convocatoria de Proba de Acceso para Maiores de 25 Anos, para cada unha das ramas nas que se ofertan ensinanzas.

A **Fase Xeral** realizarase o **sábado día 6 de marzo** e a **Fase Específica**, o **sábado día 13 de marzo**, ambas a partir das 8,30 horas, na **Facultade de Dereito** da Universidade de Santiago de Compostela (Campus Universitario Sur), de acordo co seguinte horario:

Fase Xeral – Sábado 6 de marzo

MAÑÁ

8,30 h. Presentación do alumnado
9,00 – 10,30 h. Comentario dun texto ou desenvolvemento dun Tema Xeral de Actualidade

10,30 – 11,00 h. Descanso
11,00 – 12,30 h. Lingua Castelá
12,30 – 13,00 h. Descanso
13,00 – 14,30 h. Lingua Galega

TARDE

17,00 – 18,30 h. Lingua Estranxeira

Fase Específica – Sábado 13 de marzo

MAÑÁ

8,30 h. Presentación do alumnado
9,00 – 10,30 h. Debuxo Técnico
Economía da Empresa
Química
Xeografía

10,30 – 11,00 h. Descanso
11,00 – 12,30 h. Historia da Arte
Matemáticas
Matemáticas Aplicadas ás Ciencias Sociais

12,30 – 13,00 h. Descanso
13,00 – 14,30 h. Bioloxía
Debuxo Artístico
Latín
Volume

TARDE

16,30 – 18,00 h. Ciencias da Terra e Ambientais
Literatura Universal

18,00 – 18,30 h. Descanso
18,30 – 20,00 h. Física
Historia do Mundo Contemporáneo

Os candidatos/as deberán presentarse á proba provistos do **Documento Nacional de Identidade ou Pasaporte**, debéndose identificar documentalmente a requirimento de calquera membro do Tribunal.

REPETICIÓN DA PROBA PARA MELLORAR A NOTA

Unha vez superada a proba de acceso, os candidatos/as **poderán presentarse de novo en sucesivas convocatorias, coa finalidade de mellorar a súa cualificación**. Terase en conta a cualificación obtida na nova convocatoria sempre que esta sexa superior á anterior.

LUGAR DE REALIZACIÓN DA PROBA

Os candidatos/as **poderán realizar a proba de acceso** para maiores de 25 anos **na universidade da súa elección**, sempre que existan nesta os estudos que desexen cursar, **correspondéndolles con carácter preferente, a efectos de ingreso, a universidade na que superasen a proba**.

No caso de Galicia, a proba organizarase pola Comisión Interuniversitaria de Galicia e terá lugar na **Facultade de Dereito da Universidade de Santiago**.

ALUMNADO CON ALGÚN TIPO DE INCAPACIDADE

Para aqueles candidatos/as que, no momento da matrícula, xustifiquen debidamente algunha incapacidade que lles impida realizar a proba cos medios ordinarios, a CiUG determinará as medidas oportunas que garantan que os estudantes poidan realizar tanto a Fase Xeral como a Fase Específica nas debidas condicións de igualdade.

Estas medidas poderán consistir na adaptación dos tempos, elaboración de modelos especiais de exame e a posta a disposición do estudante dos medios materiais e humanos, das asistencias e apoios e das axudas técnicas que precise para a realización da proba de acceso.

PRAZO E LUGARES DE MATRÍCULA

O **prazo de matrícula** será o comprendido entre o **18 de xaneiro e o 19 de febreiro**, ambos inclusive, debéndose presentar as instancias de matrícula e demais documentos esixidos na convocatoria nos LERD (Lugares de Entrega e Recollida de Documentación).

Unha vez realizada a matrícula, o alumnado recibirá un **Impreso de Matrícula (resguardo)** no que se recollerán os **datos persoais, opción e materias** polas que se matricula e **número de acceso á aplicación informática Nerta**.